

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine F BiH“, broj: 12/03, 34/03 i 65/13), člana 64. Zakona o zdravstvenoj zaštiti („Sl. novine Federacije BiH“, 64/10), člana 8. Odluke o utvrđivanju kriterija i provođenju procedure za imenovanje članova upravnih odbora Javnih ustanova Dom zdravlja Busovača i Gradska apoteka/ljekarna Busovača („Sl. glasnik Općine Busovača broj: 5/14 i i člana 38. Statuta Općine Busovača – prečišćeni tekst („Sl. glasnik Općine Busovača“, broj: 8/13), Općinski načelnik Busovača, objavljuje

**JAVNI OGLAS ZA
IZBOR I IMENOVANJE ČLANOVA UPRAVNIH ODBORA JAVNE USTANOVE DOM
ZDRAVLJA BUSOVAČA I JAVNE USTANOVE GRADSKA APOTEKA/LJEKARNA
BUSOVAČA**

I

Objavljuje se Javni oglas za izbor i imenovanje:

1. članova Upravnog odbora Javne ustanove Dom zdravlja Busovača, predstavnik osnivača – jedan član i predstavnik stručnih radnika zdravstvene ustanove – jedan član
2. članova Upravnog odbora Javne ustanove Gradska ljekarna/apoteka Busovača, predstavnik Osnivača – jedan član i predstavnik stručnih radnika zdravstvene ustanove - jedan član.

II

Opis pozicije:

Upravni odbor javne ustanove: donosi Statut ustanove, imenuje i razrješava direktora odnosno v.d. direktora ustanove, utvrđuje planove rada i razvoja ustanove, utvrđuje godišnji programa rada, donosi finansijski plan i usvaja godišnji obračun, donosi opće akte o unutrašnjem uređenju i sistematizaciji poslova i drugih općih akata u skladu sa Zakonom i Statutom ustanove, odlučuje o svim pitanjima obavljanja djelatnosti radi kojih je ustanova osnovana, ako zakonom nije određeno da o određenim pitanjima odlučuje drugi organ ustanove, usmjerava, kontroliše i ocjenjuje rad direktora, rješava sva pitanja odnosa sa Osnivačem, odlučuje o korištenju sredstava preko iznosa utvrđenog Statutom ustanove, odgovara Osnivaču za rezultate rada ustanove, odlučuje o prigovoru zaposlenika na rješenje kojim je drugi organ određen Statutom ustanove odlučio o pravu, obavezi i odgovornosti zaposlenika iz radnog odnosa, podnosi Osnivaču najmanje jedanput godišnje izvješće o poslovanju ustanove, obavlja i druge poslove u skladu sa zakonom i Statutom ustanove.

III

Članovi upravnog odbora javnih ustanova Dom zdravlja Busovača i Gradske apoteke/ljekarne Busovača imenuju se na period od 4 (četiri) godine uz mogućnost ponovnog izbora.

IV

Kandidati koji apliciraju na položaj predsjednika ili članova upravnog odbora/vijeća moraju ispunjavati opće i posebne kriterije.

Opći kriteriji za imenovanje kandidata su:

1. da su državljani Bosne i Hercegovine, (dokaz: uvjerenje o državljanstvu BiH ne starije od 6 mjeseci ili ovjerena kopija lične/osobne iskaznice – CIPS)
2. da su stariji od 18 godina (dokaz:kopija osobne iskaznice – CIPS)
3. da nisu otpušteni iz državne službe kao rezultat disciplinske mjere na bilo kojoj razini vlasti u Bosni i Hercegovini u periodu od tri godine, prije dana objavljivanja upražnjene pozicije (dokaz: akt poslodavca ili potpisana i ovjerena izjava kod nadležnog općinskog organa)

4. da se na njih ne odnosi članak IX 1. Ustava Bosne i Hercegovine, (dokaz: izjava potpisana i ovjerena kod nadležnog općinskog organa, da kandidat nije pod optužnicom Međunarodnog suda za bivšu Jugoslaviju)
5. da nisu na funkciji u političkoj stranci u smislu članka 5. Zakona o ministarskim, vladinim i drugim imenovanjima Federacije Bosne i Hercegovine (dokaz: izjava potpisana i ovjerena kod nadležnog općinskog organa)
6. da nisu izabrani zvaničnici, nositelji izvršnih funkcija ili savjetnici u smislu Zakona o sukobu interesa u organima vlasti u Federaciji Bosne i Hercegovine („Službene novine FBiH“, broj: 70/08) (dokaz: izjava potpisana i ovjerena izjava kod nadležnog općinskog organa.
7. da nemaju privatni interes u ustanovi u kojoj se kandidiraju u smislu člana 2. tačka 1.2. Zakona o ministarskim, vladinim i drugim imenovanjima Federacije Bosne i Hercegovine, („Službene novine F BiH“, broj: 34/03 i 65/13) (dokaz: izjava potpisana i ovjerena izjava kod nadležnog općinskog organa)
8. da nisu osuđivani za krivično djelo i privredni prijestup koji su nespojivi sa položajem za koju se kandidiraju (dokaz: uvjerenje nadležnog MUP-a)
9. da im pravosnažnom presudom nije zabranjeno obavljanje aktivnosti u nadležnosti ustanove (dokaz: izjava potpisana i ovjerena kod nadležnog općinskog organa)
10. da nisu članovi upravnih/nadzornih odbora/vijeća u više od dvije institucije (dokaz: potpisana i ovjerena izjava kod nadležnog općinskog organa)

Posebni kriteriji za imenovanje kandidata

Pored općih kriterija, kandidati za predsjednika i članove upravnih odbora/vijeća moraju ispunjavati slijedeće posebne kriterije:

1. da imaju završenu srednju stručnu spremu, IV stepen i dvije (2) godine radnog iskustva
(dokaz: diploma/svjedodžba o stečenoj stručnoj spremi i uvjerenje o radnom iskustvu)
2. da imaju visoku ili višu stručnu spremu VII/VI stepen, odnosno visoko obrazovanje prvog ili drugog ili trećeg ciklusa Bolonjskog sistema i dvije (2) godine radnog iskustva. (dokaz: diploma o stečenoj stručnoj spremi i uvjerenje o radnom iskustvu)

V

Kandidati su dužni priložiti u originalu ili ovjerenom kopiji dokaze pobrojane u članu IV javnog oglasa i popunjen prijavni obrazac koji se nalazi na Info centru Općine Busovača i službenom web stranici Općine Busovača (www.opcina-busovaca.com).

Uz dokaze o ispunjavanju navedenih kriterija javnog oglasa kandidati mogu aplicirati za jednu ili više pozicija popunjavanjem prijavnog obrasca za svaku poziciju na koju se prijavljuju.

Kandidati koji budu stavljeni na listu za uži izbor pozvat će se na intervju. Nakon obavljenog intervjua Komisija za izbor, pismenom preporukom će predložiti Općinskom vijeću rang listu s najboljim kandidatima na dalje postupanje.

Konačno imenovanje kandidata izvršit će Općinsko vijeće Busovača.

Zainteresirana stranka može podnijeti prigovor na konačno imenovanje, ako vjeruje da u procesu izbora/imenovanja nisu ispoštovana načela utvrđena Zakonom o ministarskim, vladinim i drugim imenovanjima Federacije BiH.

Prigovor se podnosi Općinskom vijeću, a kopija se dostavlja Ombudsmenu za ljudska prava Bosne i Hercegovine.

Javni oglas ostaje otvoren 15 (petnaest) dana od dana objavljivanja u Službenim novinama Federacije Bosne i Hercegovine, dnevnom listu Dnevni avaz i Večernjem listu, službenom web stranici Općine Busovača (www.opcina-busovaca.com), oglasnoj ploči

Općine Busovača i oglasnoj ploči Javnih ustanova Dom zdravlja Busovača i Gradske apoteka/ljekarna Busovača.

Prijave na propisanom obrascu sa traženim dokumentima treba dostaviti osobno na protokol Općine Busovača ili preporučeno poštom na adresu:

OPĆINA BUSOVAČA
Komisija/Povjerenstvo za izbor
16 kolovoz/august
72260 Busovača

sa naznakom „Prijava na Javni oglas za imenovanje predsjednika i članova upravnih vijeća Javnih ustanova Dom zdravlja Busovača i Gradska apoteka/ljekarna Busovača – ne otvaraj.

Neblagovremene i nepotpune prijave na Javni oglas, neće biti razmatrane.

OPĆINSKI NAČELNIK

Asim Mekić, dipl.ing.